

欽定大清會典事例

欽定大清會典事例卷一百四

吏部

處分例查禁私鑄私銷 行使廢錢 辨解

查禁私鑄私銷○康熙十二年覆准官員將私鑄錢及私銷大小制錢之犯實心訪拏不論本管地方及別州縣拏獲一起者紀錄一次二起者紀錄二次三起者紀錄三次四起者加一級○二十四年議准家奴私鑄銅錢毀化制錢其主不知情係官員降二級留任若知情者革職賃房之主知情照為從治罪不知情係官員降

一級留任。其在城外地方。或看守墳園家人。私鑄毀化。亦將其主處分。若此等處看守家人。將房賃與他人銷毀私鑄者。將看守家人。照伊賃房之主處分。其主免議。在屯莊地方。領催知情。照為從治罪。不知情。鞭一百。其主及其所管之人。皆免議。至私鑄銅錢之鄰佑總甲十家長。知情。照為從治罪。若不知情。係官員。降一級留任。以上自行拏獲者。皆免議。○三十六年議准。私鑄錢及私銷制錢。該地方官知情。任其私鑄私銷者。處斬。家產入官。不知情。失於覺察者。在內。

五城坊宮在外州縣一起降三級調用。至二起者革職掌印兵馬司知府直隸州知州一起降二級。二起降四級。皆調用。至三起者革職司道一起降一級。二起降二級。三起降三級。皆調用。至四起者革職五城御史直隸各省巡撫一起降一級。二起降二級。三起降三級。皆留任。四起降四級。調用。至五起者革職。其不知情之地方官。但能拏獲者。不論年月遠近。皆免其處分。○
雍正四年議准。文官拏獲者。並免同城之武官處分。武官拏獲者。亦免同城之文官處分。接壤

州縣此縣拏獲彼縣亦免處分。○乾隆四年議
准在京五城地方該管文職拏獲亦免該管武
職處分該管武職拏獲亦免該管文職處分。○
十八年議准查拏私鑄之案必以首犯及匠人
為重如果能實心拏獲照例分別議敘外其或
查拏之時僅獲為從之犯而首犯及匠人脫逃
者不得濫請議敘仍令勒限嚴行緝拏如不實
力緝拏將該管官照命案緝兇之例扣限叅處
其接緝官亦照命案接緝之例察議。○三十年
奏准開鑄省分由部頒發樣錢照式鼓鑄將鑄

出錢文酌解數百文送部查驗其鼓鑄數目動
存工本等項俱按季造冊送部查覈如所鑄錢
文與部頒式樣不符或樣錢業經頒發該省並
不即行鑄造者俱罰俸一年季報遲延照造報
各項文冊遲延例按其違限日期分別議處○
又奏准甫經置鑪做碓製造錢模尚未鑄錢者
該地方官不實力訪拏或經上司查出或別經
發覺將該地方官照豫先不行查出例降一級
調用○嘉慶二十五年奏改地方姦民私鑄錢
文無論錢數多寡州縣印捕官知情故縱者革

職治罪知府直隸州知州降二級調用其州縣
印捕官止係失於覺察者每起降一級調用知
府直隸州知州每起降一級留任自行查獲究
辦者免議○又奏改甫經置鑪做碓製造錢模
尚未鑄成州縣印捕官自行查獲究辦者免議
別經發覺降一級留任○又奏改五城地方姦
民私鑄司坊官照州縣例分別議處○又奏改
竈丁私鑄鹽大使照州縣例分司照府州例分
別議處○又奏改家奴私鑄其主係官知情者
革職治罪不知情者降一級留任其官員以房

屋租賃與人致有私鑄者亦照此分別議處自行查出送究者俱免議若看守墳園家人將房賃與外人私鑄私毀者伊主免議○又奏改私鑄月日在地方官公出期內者免議○又奏改私鑄之罪首犯與匠人同科地方官雖平時失於覺察但能訪查破案全行拏獲不論年月遠近次數多寡俱免其失察處分若由該地方武職拏獲文員亦准其免議○又奏改案由別處發覺該地方官能立將首犯及匠人拏獲或協同拏獲者俱免議若犯被鄰境拏獲照鄰境獲

犯例減等議結。○又奏改案由本處發覺該地方官僅獲為從之犯而首犯及匠人脫逃者止免其失察處分仍照命案緝兇例將承緝接緝官分別議處限內自行拏獲者免議若被鄰境拏獲亦照鄰境獲犯例減等議結。○又奏改私鑄錢文甫經鑄成尚未行用地方官訪查破案能立將首犯及匠人全獲者無論本境鄰境每一起准其加一級。○又奏改凡私銷制錢鑄入錢銷私毀制錢前錯薄小曰跪之案地方官知情故縱者革職治罪知府直隸州知州降二級調用如止

失於覺察十千以上者。州縣印捕官每起降一級。調用府州降一級。留任不及十千者。州縣印捕官每起降一級。留任府州罰俸一年。一千文以下者。印捕官罰俸一年。府州免議。如能訪查破案全獲首從者。加一級。○道光十四年

諭。道府為州縣親臨上司。耳目較近。嗣後每屆年終。各州縣查明境內有無私錢。照例出結。後由該管道府覆查。確實加結。詳覈具奏。如有結報不實。一經查出。即將該管道府一併叅處。○咸豐四年。奏准。大夥私

鑄

十人以上

無論有無拒捕傷人。州縣印捕官

每起降二級調用。道員府州每起降二級留任。
○又奏准私鑄拒捕州縣官諱匿不報。或將數
起報作一起者。俱革職兼轄之府州降二級調
用。道員降一級調用。如上司徇庇不叅降三級
調用。○又奏准京外地方官失察私造鑄錢器
具降一級調用。如尚未行用即行訪拏與案犯
並獲者。無論本境鄰境每起准其加一級。○又
奏准私鑄之案。如有在籍紳衿稟報係大夥私
鑄得實者。給予加一級。係小夥並私造器具得
實者。紀錄一次。鄰里士民首告得實者。由地方

官酌給獎賞。○又奏准京內五城地方及外省
府州縣衙門吏役如有徇隱包庇受賄賣放私
鑄案犯等情本管官故縱者革職止於失察犯
該杖徒者降一級調用犯該軍流者降二級調
用犯該斬絞者降三級調用總以首犯之罪名
為斷司道失察者每案降一級留任若本管官
能自行訪出究辦者免議。○又奏准捕役以查
拏私鑄大錢為由肆行搶奪挾嫌誣告失察之
該管官照失察捕役誣良為盜例議處已致死
者革職未致死者降三級調用係已革捕役已

致死者降三級調用。未致死者降一級調用。自行訪拏審出。未致死者免議。已致死者仍照例議處。係匪徒冒充差役犯有前項情弊。將地方官降一級留任。○又奏准姦民容隱私鑄人犯。地方官故縱者革職。失於覺察降一級調用。○又奏准凡地方官拏獲大夥私鑄之案。能將案犯全數緝獲者。無論本境鄰境。准該督撫奏請給咨送部引。

見照獲盜人員議敘。其並非大夥私鑄。地方官訪查破案。能將首犯及匠人全獲者。如連獲三起。以

上無論本境鄰境准該督撫併案奏請給予升
銜其失察處分並准將拏獲之案分起抵免
行使廢錢○康熙四年題准明季廢錢及禁革
舊錢攬和使用者如該管州縣官失於覺察一
起降二級調用二起降四級調用三起革職如
督撫不力行疏通錢法仍行使用舊廢之錢或
被科道題叅或被旁人首告一起督撫罰俸三
月司道官罰俸六月知府直隸州知州罰俸一
年二起督撫罰俸六月司道官罰俸一年知府
直隸州知州降一級留任三起督撫罰俸一年

司道官降一級。知府直隸州知州降二級。皆留任。○四十四年題准。在內五城坊官。在外州縣官。如該管地方經紀鋪戶。有販賣撓和私錢行。使不行查拏。一起降三級。調用。至二起者革職。掌印兵馬司。知府直隸州知州。每一起降二級。留任。至二起者降四級。調用。至三起者革職。司道。每一起降一級。二起降二級。皆留任。三起者降三級。調用。至四起者革職。五城御史直隸各省巡撫。每一起罰俸一年。至二起者降一級。三起者降二級。皆留任。四起者降三級。調用。至五

起者革職。知府以下捕盜同知通判州縣以下吏目典史各照掌印官例。運使照司道例。分司照知府例。鹽場大使照典史例。以上議處官員。有因公出境者免議。至有船戶夾帶私錢事發。押船官員知情任其夾帶者革職。不知情者照地方官失察例降三級調用。○又覆准有將大錢運往外省販賣。自外省將小低錢運至京城販賣者。通行嚴禁。若經拏獲。將錢入官。販賣人照例治罪。凡經過地方州縣衛所官兵皆照失察私鑄例降三級調用。○雍正十三年覆准。翦

邊錢不許撓和行使。該地方官不嚴行收禁。以致仍有翦邊錢行使者。將奉行不力之該地方官議處。失察一次者降職一級。二次者降職二級。三次者降職三級。四次者降職四級。皆准其戴罪。限一年內拏獲私鑄一次者。還職一級。二次者。還職二級。三次者。還職三級。四次者。還職四級。失察五次者。降一級。調用。如地方官並上司不行訪拏。仍有翦邊錢。至十千以上者。照失察私鑄例。州縣吏目典史等官。一起降三級。調用。至一起者革職。知府直隸州知州同知通

判等官一起降二級二起降四級皆調用至三起者革職司道一起降一級二起降二級三起降三級皆留任四起降四級調用至五起者革職如翦邊毀化不及十千者州縣吏目典史等官一起降二級二起降三級皆調用至三起者革職知府直隸州知州同知通判等官一起降一級二起降二級三起降三級皆調用至四起者革職司道一起降一級二起降二級三起降三級皆留任四起降四級調用至五起者革職巡撫一起罰俸一年二起降一級三起降二級

四起降三級五起降四級皆調用至六起者革職如數止千文以下者州縣吏目等官降一級留任○嘉慶十一年奏准凡地方有私鑄私銷翦邊不知情之地方官因公出境並自行訪獲或協同拏獲破案者俱免議如犯被鄰境拏獲無論文職武職何處拏獲將失察之員並該管上司悉照案犯被鄰境拏獲例減等議處

辦解銅鉛○康熙十四年議准各省官員採買銅項並未起解捏報起解者降二級調用○雍正二年議准各省分辦銅報解初次逾限將承

辦官革職留任。委辦上司各官降二級留任。許其展限四月。戴罪承辦。如仍不完。將承辦官革任。交部從重治罪。別委能員接辦。查有虧空。著落家產追賠。其委辦上司各官降二級調用。並令分賠完結。如叅後六月內將銅買足解部交完者。准予開復。○乾隆二年議准。二叅四月限內能完至三分之二者。免其革任治罪。再寬限四月。照數辦足解部。如限滿仍未完解。即將承辦之員革任。交刑部從重治罪。別委能員接辦。查有虧空者。著落賠補。委辦上司照例降調分

賍如叅後六月內將銅買足解交亦准予開復
至該撫報解之後即知會沿途官弁速催抵通
如逾限不到將領解官革職戴罪管解委解上
司各官降三級留任行令該地方確查是否捏
報有無扶同具領中途盜賣等弊據實按律究
擬並將沿途催趨官弁照催趨糧船不力例題
叅所欠銅著落本解官追賍委解上司各官分
賍如叅後三月內解部交完者亦准其開復○
四年奏准各省採買銅解部覈驗如係低潮按
依成色令原解官減價報銷其覈減銅色銀勒

限一年全完。限滿不完。降俸二級。戴罪完納。再
限滿不完。罰俸一年。其所辦正項銅。如係叅後
全完者。雖覈減銅色銀。未經完繳。而議處之本
案業已完結。應准其照案開復。至覈減銅色銀
如逾限無完。仍照降俸罰俸例。分別議處。○又
奏准管理礦廠官員。如有銅鐵等項。鑪戶私運
出廠。不行查出者。罰俸一年。○七年議准。滇省
解送京銅。自滇省至永甯。計程二十三站。各運
官自滇省起程。限二十三日到永甯。如沿途逗
遛。至二十三日之前。照在京衙門行查事件。

承辦官遲延之例。遲延一日至十日。罰俸一月。十日以上。罰俸三月。二十日以上。罰俸六月。三十日以上。罰俸一年。如果有中途患病及阻滯等情。令該員呈明該地方官。出具印結。於叅案內聲明。以憑免議。○十四年議准。自永甯至漢口。限四月。漢口抵通。限五月。其漢口儀徵。換船換簍之處。漢口限四十日。儀徵限二十日。通計永甯抵通。定限十有一月。如逾限一月以上。即行照例查叅。領解官革職。戴罪管解。委解各上司。降三級留任。如遇有守凍日期。准沿途地方

官據實確勘呈報咨部仍照例扣除。至守風守水日期定限已屬寬裕皆不准扣算。其每運銅均有正協二人。僮沿途或有沈溺打撈需時及患病事故等事即令一人先運前行。如有藉詞停留者亦不准其扣算。其銅到處應令地方文武官弁按站交代。催趨前送不許片刻停留。多撥兵役巡查將出境入境日期即刻轉報督撫。按日確查報部查覈。僮運官無故逗遛及有盜賣情弊該地方官弁漫不經心不實力催趨及徇隱不報者即照徇庇例降三級調用。該督撫

一併議處。○十五年覆准銅鉛到境。該地方官即協同運官選擇身家殷實船戶。並熟練頭舵水手。僮所雇之船。有不諳路徑風色。致有沈失銅鉛等事。將原雇之地方官報部。照官員解送匠役。不將良工解送。以不諳之人塞責者。罰俸六月。例。罰俸六月。如實係風水驟發。非人力所能防護。該管官查明具結申報。將原雇之地方官免其議處。至沈溺銅鉛打撈。一年限內。運官如有升遷事故。仍留在該處打撈。俟事竣之日。分別赴任回籍。該管地方文武官弁。遇有銅鉛

沈溺照漕船失風之例處分外。仍於一年限內。停其升轉。責令協同運官。實力打撈。限內能撈獲過半者。免其察議。或限滿無獲。或撈不及半者。將地方文武各官。罰俸一年。其沈溺之銅鉛運官。打撈無獲。一年限滿。將該員題叅革職。限一年內賠足。准其開復。如逾限一年賠完。免罪。不准開復。二年之內。不能賠完。照律治罪。嚴追。○二十六年。覆准銅鉛船隻入境。州縣官加意嚴查。派委丞倅。親身督察押護。不得僅差兵役。伴送。儻有沿途偷盜。誑報沈溺等事。別經發覺。

者。將州縣官及派委之員均照失察盜賣漕糧
例議處。失察一起者罰俸六月。二起者罰俸一
年。三起者降一級留任。四五起以上者降一級
調用。知情故縱者叅革。審究所委丞倅等官不
親往稽查。混差書役捏結搪塞者照徇庇例降
三級調用。有能一年內拏獲偷盜銅鉛二次者
紀錄一次。再有多獲照此遞加。○又覆准雲南
省銅廠官員有能拏獲命案正兇及夥盜解送
審實者照拏獲鄰境命犯及拏獲夥盜例每一
名紀錄一次。如盤獲盜首及通行緝拏要犯應

照拏獲鄰境盜首及盤獲要犯例。每一名加一級。其有負罪潛逃之犯。混迹廠內。該廠員未經查出。別經發覺者。係命犯及夥盜藏匿。照失於查察例。罰俸一年。係盜首及通行緝拏要犯藏匿。照不知情不申報例。降一級留任。如有知情容隱。不解送犯事地方審擬者。照知情故縱例。革職。廠內未設專員。歸地方官管理者。亦照此辦理。○二十九年。奏准滇省各運京銅。運抵北河。自頭撥抵通後。即上緊撥運。陸續抵通。即聞遇糧船擁擠。沿途阻滯。一時難於雇撥。令運員

先將實在情形報明地方官加結報部詳覈准其展限一月。即多者亦不得逾兩月。如有逾違將承運官照例題叅議處。三十年奏准官員領運銅鉛抵通照額交局之後將實在贏餘數目報明戶工二部令崇文門監督按經過各關應交稅課覈算相符聽其售賣如有以多報少隱匿等弊將該運員照匿稅不納律罰俸一年。○又奏准礦徒聚集地方該管官知情隱匿不嚴行查拏者革職如係失於查緝以致礦徒聚集潛匿地方者。謹案礦徒潛匿地方如並照地未聚眾開礦者不在此例

方私鑄該管官不知情失於覺察例降三級調
用其已發覺不上緊查拏以致礦徒逃遁全未
捕獲者亦降三級調用未獲礦犯交與接任官
照案緝拏如已經查拏獲犯未及一半者降二
級留任勒限一年緝拏限滿全獲准其開復儻
限滿僅獲一半者降一級調用限滿獲犯仍未
及一半者降二級調用未獲礦犯交與接任官
照案緝拏如一經查緝即獲犯過半者降一級
留任勒限一年緝拏限滿全獲准其開復如仍
未全獲再罰俸一年帶所降之級照案緝拏全

獲之日。准其開復者。降一級。留任。勒限。未能全獲。

禁限滿全獲。准其開復。掣獲及半者。罰俸一年。帶所降之級。照案緝掣。全獲之日。准其開復。無

獲。按限開復。掣獲不及半者。照所降之級。調用。礦犯文典。按任官。照案緝掣。 ○ 又奏

准各省所有之礦。先行禁止偷創者。仍照舊嚴

禁外。現在本處無產窮民。有獲微利。以養贍生

命者。該地方官查明姓名。註冊。令其開採。仍不

時稽查。毋致生事。妄行不法。如有外省礦徒。前

往該地方。聚集開採。及本處富戶。霸占設廠。開

採者。該管官員。知情隱匿。不嚴行查拏。照溺職

例。革職。該督撫。徇庇不行。揭叅。降三級調用。加

級紀錄不准抵銷。○三十四年議准貴州解運鉛斤需員無多俱於現任州縣等官內派委管押雲南解運銅斤需用二十餘員如現任人員不敷派委應於現任同知通判知州知縣內遴派外其試用人員內擇其曾經委署州縣幹練能事之員一體派委未經委署之分發試用人員概不得濫派。○三十五年覆准廣西一切礦廠該管府州縣官照舊稽查外令各該道為總理隨時親履查察凡詳委事宜及礦勢應採應閉鑪座應改應增逐一秉公釐定如有商民呈

請試採亦由該道督率勘實分別妥議移司轉
詳。儻有以多報少。侵隱偷漏。縱容私窵情事。該
道即據實揭叅。儻或徇隱失察。將該道一併叅
處。其旬報季報及每年奏銷各冊。俱由該管道
員覈實移司彙辦。如有遲延遺漏。亦將該道一
併察議。該省巡撫布政使仍照例辦理。○三十
六年覆准。滇省開報新廠。每年獲銅二十萬斤
以上者。督辦官紀錄一次。三十萬斤以上者。紀
錄二次。四十萬斤以上者。紀錄三次。五十萬斤
以上者。加一級。八十萬斤以上者。該撫專摺奏

請升用。如有怠忽，即隨時查叅議處。○三十七

年覆准。廣西五金並產。凡有礦砂可採，詳明督

撫批准試採。均以二年為限。果有成效，即詳請

具題抽課。如逾限不報，未經查辦之道員布政

使及並不查明具題之巡撫，均降二級留任。道光

二年改為未能查辦之道員降二級留任。布政使降一級留任。督撫不查明具題。罰俸一年。

○四十年奏准各省委員赴雲南等省採辦銅

錫鉛斤。於採買完竣起運之後，沿途無故遲延

逾限不及一月者免議。逾限一月以上者罰俸

一年。兩月以上者降一級留任。三月以上者降

一級調用四月以上者降二級調用五月以上者降三級調用半年以上者革職該督撫統於委員採辦事竣後覈明日期咨部查辦如沿途遇有阻滯實在不能趕運者准其報明該地方官出結轉報沿途督撫咨部准其扣算如有通同捏飾等弊照例分別議處○又覆准委員運解銅鉛銀兩等項所執兵牌持赴各站黏貼印花以便驗票撥護有不赴站黏貼印花經下站查出即將該委員查叅照不實力奉行例罰俸一年○四十一年覆准保送運員由府州出具

考語由道加考移司詳送該督撫驗看有不勝
委解之任者令其撤回另保如驗係衰庸將該
委員照例降革休致仍飭另保送驗外仍將出
考之府州加考保舉之道員數叅照濫委解員
例降一級調用轉送之藩司降一級留任如該
督撫不加察驗據詳即委致有貽誤經部查叅
將該委員及該司道府等照例分別議處並將
據詳即委之督撫照不行查驗例罰俸一年改尋
為照濫委解員中途無失例罰俸一年詳送之
藩司罰俸六月如該督撫不加察驗據詳即委
罰俸○又議准運京銅鉛沿途地方官照漕船
三月

定例依限催趕。所過省分有逾程限。除運員並
未逾違統限者。免其查議外。如運員已逾統限。
沿途地方官。照催趕漕船定例。原限應行四日。
而行至五日以上者。專催官罰俸一年。督催官
罰俸六月。原限應行四日。而行至六日以上者。
專催官降一級留任。督催官罰俸一年。原限應
行四日。而行至八日者。專催官降二級留任。督
催官降一級留任。原限應行四日。而行至九日
者。專催官革職留任。督催官降二級留任。其餘
程限多寡不同。皆照此覈算。○四十七年奏准。

滇省各銅廠除產銅無多之廠照舊辦理外其餘大小各廠俱按出銅確數畫分十二股按月覈計以十分之數查察其欠不及一分者罰俸六月欠一分以上者罰俸一年欠二分三分者降一級留任欠四分五分者降一級調用欠六分以上者降二級調用欠七分者降三級調用七分以上未及八分及八分以上者俱革職其缺額銅斤各員除令於一二月內補足至三月以後不能補交者查明實係礮水淹及廠勢衰微並非廠員辦理不善而缺額亦止一二分

者。仍令留廠管辦。統限一年之內。按數補足。若
至一年以後不能補交者。即行撤回。入於考成
冊內。開參照例議處。至缺額至三分以上者。仍
按月覈計查參。即行照例分別議處。降級革職。
亦仍令其在廠協同上緊催辦。按數補足。如一
年後仍不足額。應議降調者。撤回。應議革職者。
即發往新疆效力。儻時非雨水。廠尚可為實係
廠員漫不經心。任意廢弛。以致辦銅短絀。又不
及時趕補。經該督撫特參。無論所欠分數。俱照
例革職。發往新疆效力。如辦銅各員。能於月額

之外。多獲銅斤至一分以上者。紀錄一次。二分
以上者。紀錄二次。三分以上者。紀錄三次。四分
以上者。加一級。五分以上者。加二級。再有數多
者。以次遞加。○又奏准雲南解運京銅。自瀘州
領兌。限三十五日開行。以後及漢口換船換筭
定限。九箇月二十五日。統限十一箇月。照漕船
定例。依限抵通。貴州解運京鉛。自永甯領兌。裝
運赴重慶。鎔化。在重慶雇船裝載。限二十五日。
自重慶開行。以後及漢口換船。定限八箇月零
十日。統限九箇月零五日。其有抵通遲延。逾限

不及一月者領運官降一級留任委解上司罰
俸一年逾限一月以上者領運官降一級調用
尋增為委解上司降一級留任兩月以上者降二級調用為尋增
二級留任三月以上者降三級調用四月以上
者降四級調用五月以上者革職委解上司各
降三級留任若遇封牘封峽守凍及在川江大
河風信陡發水勢暴漲該督撫確實查明取具
沿途地方官印結送部准其扣除日期其平水
河道及尋常守風守水日期不准扣算如領解
官有在瀘州重慶耽延不按限開行之處許兌

交委員將兌足日期詳報稟明該督撫覈參。悉照沿途無故遲延例議處。定限之外不准扣除。儻領兌不足。或廠員紛發遲滯。或陸運委員耽延。不能按期兌交。以致運員遲延。許運京之員據實詳稟。該督撫確查。分別叅處。所有開行遲逾日期。准其於運員限內扣除。如有沿途盜賣虧缺情弊。按律究擬革職治罪。所欠銅斤。著落本解官追賠。儻解官名下不能追賠。照採辦洋銅例。於委解不慎之上司名下分賠。並嚴加議

處。尋增為仍將出考之府州加考保舉之道員照滋委解員中途誤失例降一級調用轉送

之藩司。降一級留任。據詳如叅後三箇月之內。即委之督撫。罰俸一年。

解部交完者准其開復。○五十年

諭據舒常奏江西省護送錫船出境向係送至安徽東流縣而止。今廣東委員戴夢華運錫船隻經過東流揚帆順流而下。直至安徽懷甯縣始行交替。江西營縣均未失於護送。所有違例越站咎在委員。請將巡檢戴夢華咨部覈議等語。錫船過境。如果有違例夾帶情弊。恐該地方官查出。擅行越站前進。自應查明叅奏。若並無情弊。則揚帆順流而下。正可多趨程途。以期迅速解到。遲固當議處。速亦致議處。則為解員

者實亦難矣。茲戴夢華若因越站致干部議。將來委員人等勢必畏懼處分。遇有順風亦却帆停泊。等候交替。轉致耽延時日。是向例本未允協。嗣後凡遇鉛錫等船過境。該督撫飭屬照例護送。如有因順風不及停泊。越站前進。查無夾帶情弊者。止須將未經按站護送緣由。據實聲明報部。毋庸咨取委員職名附叅。所有廣東委員戴夢華。即著免其議處。○五十四年。覆准各省委員赴滇採辦銅斤。如委員先後到滇者。則儘先到之員給發。其同時並到者。仍按各省道里遠近。先儘遠省之員。於委員到滇

之日。即將應辦銅斤。指定廠所。仍將何廠撥銅若干斤。應定限若干日。統計何年月日。可全數兌交。委員收領發運。開列清單。咨部存案。俟奏報開行時。將廠員給領有無逾限之處。於摺內一併聲敘。戶部逐運查覈。如廠員有逾限不給者。即照運員在途逾限之例。一律議處。各廠兌給銅斤。如有低潮。准令委員稟明另換。若因換銅耽誤限期。仍將廠員照例議處。若委員漫不經心。並未稟換。至本省驗明不足成色。即將該委員查參。○五十五年議定。各省委員採買解

運銅錫鉛斤等船中途沈溺該委員及地方官果能設法全數撈獲並無缺少者該督撫查明咨部議敘准其紀錄一次○又奏准凡解運銅船來京官員每運自兌收日起限二十日收完到局後除前運兌收未完准其扣展外其解員患病止許展限一月如病滿一月之限即責令該員家屬或同省運解前後到局委員眼同兌收勒限完竣如再有遲逾將該監局及解員均各嚴參辦理

督增為解員照抵通延之上司例議處
督照抵通延之上司例議處

○六十年

諭

昨巡視東城御史及步軍統領衙門奏拏獲偷銅賊犯均已交部嚴審定擬矣。向來官銅被竊解員例有處分。而一經到部解員及管押家丁人等又須聽候傳訊。部中胥吏轉得便宜。而解員未免需費畏累。是以偷竊之後私自賠補。不肯即行稟報。以致日久賊犯無蹤。致稽捕獲。每次運京銅鉛不下數十萬斤。分起運送。解員所帶家丁無多。豈能親身照料。嗣後遇有偷竊銅鉛之案。該解員務當立時報明。以便交步軍統領衙門五城順天府迅速嚴拏。獲犯之後刑部止須向賊犯嚴切研鞫。不必傳訊解員及家丁人等。

以免守候。至銅鉛攸關帑項。既有失竊。自應著落解員賠補。其失察處分尚屬可原。並著加恩寬免。以示朕洞悉下情體恤周詳至意。○嘉慶二年奏准運京銅鉛例內。挂欠百分之一二。准其按限賠補。免其議處。其例外短少銅鉛者。戶部將因何短少之處。咨查該省。俟咨覆到日。知照吏部議以革職。暫予留任。其應賠銀兩數在數千兩者。於接到部文後。限六箇月完繳。一萬兩以上者。限一年賠繳。如不能依限全完。即行革職。該員革職之後。接到部文。能於半年內將應賠銀兩全

數繳足。該督撫具題。准其開復。留於該省補用。
如不能完繳。即着僉派各上司。按股派賠。其承
運交兌足數者。戶部帶領引。

諭。見後。知照吏部。查無事故。照卓異之例升用。○五年
巡漕御史奏。運河織造辦物船。並銅鉛船隻。以及木
排等項。恃強爭先。接運糧船。往往恣意攔阻。請交各
巡漕御史稽查管束等語。糧船為天庾正供。自應迅
速乾運。不可稍令稽遲。其織造辦物船隻。裝載上用
物件。固關緊要。然較之糧船行走。究可稍緩。至於銅
鉛船隻及木排等項。亦非漕船可比。乃往往於運河

內肆意橫行。不特令商民船隻避讓。甚至糧船北上。亦恃強攔阻。押解之員。任聽水手爭鬧。漫無約束。此等惡替。朕所深知。嗣後著責成巡漕御史。轉飭沿途文武員弁等。將重運漕船催趲先行。其餘船排等項。令其尾隨在後。挨次前進。以期無誤。正供儻該排船等不遵彈壓。仍前恃強爭先。一經查明。即將押解之委員嚴行參辦。以示懲儆。○又奏准雲南貴州運京

銅鉛。遇有沈溺。若係定例險灘。沙河灘。黑鐵關灘。大掛子灘。烏

龍灘。大霧基灘。大虎跳巖灘。小虎跳巖灘。特衣灘。楊子灘。小銅圍巖灘。大銅圍巖灘。大貓灘。

東瓜灘。大漢漕灘。木孔灘。古竹灘。四巖灘。新開灘。地方官結報該省督

撫移咨雲南貴州會疏題請免議在次險灘沈

脚價銀兩者儻有不肖運員捏報江川等處沈亦准免議

溺地方各官扶同徇隱該督撫即據實題參將

運員革職地方官降一級調用督撫徇隱具題

亦降一級調用後降一級均改為降二級○七年奏准運員

領解銅斤自瀘州起程令店員將每起領解若

干造具清冊開明所解銅斤總數內某廠銅若

千斤交戶局某廠銅若干斤交工局其廠店各

員並該管道府及運員銜名均於冊內開明並

各加具並無低潮撓雜甘結隨冊申送共清冊

五本一本交運員收執四本申詳巡撫衙門該
撫存留一本三本咨吏戶工三部俟運員赴京
赴戶工二部交兌即將所齎清冊呈送局內查
驗收兌如局內驗有銅色在八成以下者即行
挑出俟事竣開具每起所解銅斤局內驗收足
色之銅若干挑出不足之銅若干均各註明廠
分銅斤查照原冊內銜名將某員應賠若干詳
開分數一併移送吏部俟賠限滿日分別已未
完交移送咨吏部覈辦○又定廠員分數統以一
起所解該廠之銅若干作為十分除已收外挑

出不足成色之銅若干。即作該廠虧欠分數。其
運員所解銅斤。分交戶工二局。統以一起所解
應交二局之銅。作為十分。除已收外。挑出不足
成色之銅。查係戶局若干斤。工局若干斤。統作
該員虧欠分數。至店員及該管道府。均以一起
所解銅斤若干。作為十分。其運員虧欠分數。即
係店員及該管道府所欠分數。均各詳按分數
分別議處。○又定煎鍊銅斤。係廠員專責。處分
自應較重。凡局內未收銅斤。計該廠不及一分
者。罰俸六月。後改為一年。一分以上者。罰俸一年。後改

為二年。二分三分以上者降一級留任。後改為降二級留任。

四分五分者降一級調用。後改為降二級調用。五分以上

者降二級調用。後改為降四級調用。七分以上者革職。仍

留廠勒令賠交。應完之項。其原欠三分以下者。

俟接到部咨後。限三箇月賠交。四五分以上者。

限六箇月賠交。七分以上者。限一年賠交。如按

限賠完。即將降革之案。題請開復。儻不依限全

完。原議罰俸者。降一級留任。原議降留者。即照

所降之級調用。原議降調者。即行革職。原議革

職者。不准復行留廠。仍留該省。限一年賠完。如

能於復參限內照數全完。准其題請開復。係降
革離任之員。留於該省補用。如再不完。其降調
降留者。無論分數一體革職。所有應賠之項。著
落該管上司分賠。○又定。店員虧欠銅斤處分。
視廠員議減一等。欠不及一分者。罰俸三月。後改
為六一分以上者。罰俸六月。後改為三分以上
者。罰俸一年。後改為四五分以上者。降一級留
任。後改為六七分以上者。降一級調用。後改
二級即照廠員之限。勒限賠繳。應完之項。如不
依限全完。原議罰俸三月者。罰俸六月。後改為
罰俸一

年。原議罰俸六月者。罰俸一年。後改為降原議

罰俸一年者。降一級留任。後改為降原議降一

級留任者。降三級留任。後改為降原議降調者

即行革職。仍留該省。勒限一年賠完。如能於復

參限內照數全完。題請開復。儻若不完。無論分

數一體革職。應賠之項。著落該管上司分賠。

又定。運員虧欠銅斤處分。視店員又減一等。欠

不及一分者。罰俸一月。後改為一分以上者罰

俸三月。後改為二三分以上者罰俸六月。後改

年。四五分以上者。罰俸一年。後改為六七分以

上者降一級留任。後改為降照例三年無過開

復所有承辦銅斤。如能全數交局。例准帶領引

見照卓異之例。并用如銅斤本無短少。僅止成色不

足。除虧欠在六分以上。例應降留者。不准列入

卓異班次外。其在五分以下。例止罰俸者。仍准

帶領引

見照卓異之例。註冊并用。後改為數逾一分以上。由戶部將該運員扣除引

見○又定。管理廠店道府視運員。又減一等

欠不及一分者免議。後改為罰一分以上者罰

俸三月。後改為六月。二分以上至四分者罰俸六月。

後改為四五分。以上者罰俸一年。後改為二年。六、七

分。以上者罰俸二年。後改降一級留任。其廠店各員應

賠之項，勒令按限督催。如限滿不完，原係免議

者，罰俸三月。原議罰俸三月者，罰俸六月。後改

年。原議罰俸六月者，罰俸一年。後改為二年。原議罰

俸一、二年者，降一級留任。後增原議降一級留任者，降二級留任。

戴罪督催。如店廠各員於復參限內全完，或廠

員等逾限不完，上司分賠全完者，其降級之案

均准題請開復。○又定京局未收銅斤，勒令廠

店各員分賠。限滿之日，該撫即將何員繳足，何

員未完之處。造冊聲明。分別議處。開復不得以一人未完。致同案之員。均行議處。至該管上司。有督催之責。如再限屆滿。廠店各員。仍有未完之項。將該上司。議以降級留任者。應俟一運內全數完繳。始准開復。○又定。戶工二局。監督收兌銅斤。眼同運官。覈驗銅色。不得聽令胥役。混行收兌。致滋高下。其手之弊。儻有色足八成之銅。而不行收兌。及色在八成以下之銅。不行挑出者。或別經發覺。或經運員呈控。即將該局監督。按照銅斤數目。分別議處。一千斤以上者。罰

俸三月一萬斤以上者罰俸一年五萬斤以上者降一級留任十萬斤以上者降一級調用儻係有意刁難及徇私故收低潮入局者即將該監督革職治罪○十二年

諭。永保奏運員應賠銅斤腳價銀兩懇請量予寬限一摺。據稱滇員領運至京沿途水腳路費及起撥撈沈在在均須賠墊。差竣回滇已屬苦累。而應追挂欠銀兩。近年所定例限過於緊迫。該運員等養廉所得無幾。萬難責令於限內全完。如逾限不完。即應參革離任。帑項終歸懸宕等語。自係滇省實在情形。嗣後運

員應賠銀兩數在一千兩以下者。改限半年。一千兩以上至三千兩者。改限一年。三千兩以上至五千兩者。改限二年。五千兩以上至一萬兩者。改限三年。一萬兩以上至二萬兩以內者。改限四年。完繳。庶該運員等設措較易。帑項不致虛懸。所有近年運銅挂欠各員。均著改照規定之例辦理。○又議定。運京銅斤例內挂欠百分之一二。准其按限賠補。免其議處。其例外短少銅斤者。戶部將因何短少之處。咨查該省。俟咨覆到日。知照吏部議以革職。暫予留任。其應賠銀兩數在一千兩以下者。限

半年完繳一千兩。以上至三千兩者限一年完繳。三千兩以上至五千兩者限二年完繳。五千兩以上至一萬兩者限三年完繳。一萬兩以上至二萬兩以下者限四年完繳。均於接到部文後自運員回省之日起限。如不能依限全完。即行革職。該員革職之後。接到部文。能於半年內將應賠銀兩全數繳足。該督具題。准其開復。留於該省補用。如不能完繳。即著僉派各上司按股派賠。其承運交兌足數者。戶部帶領引。

見後。知照吏部查無事故。照卓異之例。升用。○又議。

定運京鉛斤例內挂欠百分中之一二准其按
限賠補免其議處其例外短少鉛斤者戶部將
因何短少之處咨查該省俟咨覆到日知照吏
部議以革職暫予留任其應賠銀兩數在千兩
者於接到部文後自運員回省之日起限六箇
月完繳一萬兩以上者限一年賠繳如不能依
限全完即行革職該員革職之後接到部文能
於半年內將應賠銀兩全數繳足該督撫具題
准其開復留於該省補用如不能完繳即著僉
派各上司按股派賠其承運交兌足數者戶部

帶領引

見後知照吏部查無事故照卓異之例升用。又議定雲南解運京銅自瀘州領兌三十五日開行以後及漢口換船換筭限九箇月二十五日。統限十一箇月。照漕船定例依限抵通貴州解運京鉛自永甯領兌裝運赴重慶鎔化在重慶雇船裝載限二十五日。自重慶開行以後及漢口換船限八箇月零十日。統限九箇月零五日。其有抵通遲延逾限不及一月者領解官降一級留任委解上司罰俸一年。逾限一月以上者領

解官降一級調用。委解上司降一級留任兩月。以上者。領解官降二級調用。委解上司降二級留任三月以上者。領解官降三級調用。四月上者。降四級調用。五月以上者。革職。委解上司各降三級留任。若遇封牘封峽守凍及在川江大河風信陡發。水勢暴漲。該督撫確實查明。取具沿途地方官印結送部。准其扣除日期。其平河水道及尋常守風守水日期。不准扣除。既經

運局通延。將坐糧廳大通橋監督查明分別議處。如實係運員藉病展限。以致遲延者。令倉場侍郎查明。如領解官有在瀘州重慶耽延。不按

一併參處。

限開行者。兌交官將兌足日期詳報。不准扣除。儻領兌不足。或廠員給發遲滯。或陸運委員耽延。不能按期兌交。以致運員遲延。許運京之員據實詳稟。該督撫確查。將遲延之員覈叅。照抵通逾限例議處。其運京開行遲逾日期。准其於運員限內扣除。○二十五年奏准。鑪戶私運銅鉛鐵錫出廠。管理礦廠官木行查出。罰俸一年。其京局鑪匠盜賣銅斤。該監督失於覺察。亦照此例議處。○道光二十九年奏准。運員果能銅色純潔。全無低潮。由戶部聲明請

旨如奉

旨交部議敘者。予以加一級。從優議敘者。加一級。紀錄二次。○咸豐元年奏准滇省辦運銅斤。將廠名。年分。姓名。整整清楚。店員認真挑揀。長運委員。逐件揀提。僮抵京交局。仍有無字低銅。即由戶部先將該委員職名咨送吏部。於低潮處分之外。再比照低銅分數。予以處分。如廠員店員。通同舞弊。亦即將廠店各員查明嚴參。○又定督催銅廠之道府。照兼管鹽務之道府例議處。欠不及一分者。停其升轉。一分以上者。降俸一

級二分三分者降職一級四分五分者降職三級六分七分者降職四級俱令督催停其升轉完日開復八分以上者革職○又定湖南辦解運京黑鉛領運官自長沙至漢口定限一箇月自漢口抵通定限五箇月廣東辦解運京點銅錫領運官自廣州抵通定限十箇月悉照運京銅鉛之例查覈○又定銅鉛運抵通州壩口坐糧廳即親赴點驗秤掣領儲號房陸續撥運日以十萬斤為率一面知照大通橋接運並具報倉場衙門崇文門及戶工二局銅鉛運至大通

橋該監督復加秤驗由朝陽門陸運赴局凡各
運銅鉛各限兩箇月全數交局候兌其坐糧廳
大通橋先後轉運仍責成運員管押如轉運遲
延將坐糧廳大通橋監督查明分別議處係管
押遲延將運員一併附參○又定每年滇省奏
到銅運開幫時將沿途省分藩臬兩司開單請
旨簡派一員經理俟船隻到境各派勤幹道府一員
會同押運官照料出境遞相交替違限者查明
省分照催趨漕船不力例分別議處

欽定大清會典事例卷一百五

吏部

處分例

鹽課奏銷

查禁私茶

查禁私鹽

失察私鹽

修築鹽池

私茶因公

出境免議

鹽課奏銷○順治八年覆准鹽課欠不及一分

者巡鹽御史

尋改為

罰俸一年欠一分以上者

降俸二級欠二分以上者降職一級欠三分以

上者降職二級皆留任欠四分以上者降三級

欠五分以上者降四級欠六分以上者降五級

皆調用欠七分以上者革職

尋增為未完初參照巡撫地丁錢糧

初參例處分。限二年催完。如限內不全完。照原參分數議處。

○康熙三年題

准。巡撫管理通省糧餉。其鹽課考成。欠一分者。罰俸三月。欠二分者。罰俸六月。欠三分者。罰俸九月。欠四分者。罰俸一年。欠五分者。降俸一級。欠六分者。降俸二級。欠七分者。降職一級。欠八分者。降職二級。欠九分者。降職三級。欠十分者。降職四級。皆令戴罪督催。停其升轉。尋增為完日開復

運司提舉司分司大使等官。係專管鹽課之官。欠不及一分者。停其升轉。罰俸六月。欠一分者。罰俸一年。欠二分者。降職一級。欠三分者。降職

二級欠四分者降職三級。欠五分者降職四級。

皆令戴罪督催。

尋增為完日開復

欠六分以上者皆革

職。兼管鹽務之知縣、知州、知府、布政使、各道、欠

不及一分者，停其升轉。欠一分以上者，降俸一

級。欠二分、三分者，降職一級。欠四分、五分者，降

職三級。欠六分、七分者，降職四級。皆令戴罪督

催。停其升轉。完日開復。欠八分以上者，革職。署

運司、提舉司、分司、大使等官，欠不及一分者，罰

俸三月。欠一分者，罰俸六月。欠二分者，罰俸九

月。欠三分者，罰俸一年。欠四分、五分者，降一級。

調用。欠六分七分者降二級調用。欠八分以上者革職。署印不及一月者免議。署司道府州縣事兼理官員。欠一分二分者罰俸三月。欠三分四分者罰俸六月。欠五分六分者罰俸九月。欠七分八分者罰俸一年。欠九分十分者降一級調用。署印不及一月者免議。尋改為署任催徵督催處分。俱照正官例。○又題准。鹽課被叅後。州縣大使等官。限一年全完。其年限內不完。不復作分數。照原叅分數處分。州縣官欠不及一分。一年內不全完者降一級留任。再限一年。戴罪催完。如再不完。

照依所降一級調用。欠一分二分。一年內不全
完者降三級調用。欠三分四分。一年內不全完
者降四級調用。欠五分六分。一年內不全完者
降五級調用。欠七分以上。一年內不全完者革
職。運使提舉分司被叅後限年半全完。至運使
提舉係專管鹽課之官。應照布政使地丁錢糧
例處分。分司大使。照州縣官地丁錢糧例處分。
如年限鹽課。係原被叅之官限內不完者。不復
作分數。仍照原叅分數題叅。如係接徵接催官
員。以到任之日為始。州縣大使等官。限一年接

徽布政使。道府直隸州知州。運使等官。限年半
接催。督撫限二年接催。如不能完。題叅之日。照
現在未完分數。以初叅例處分。兼管鹽法之布
政使。各道。並知府直隸州知州。被叅後。限一年
半全完。如欠不及一分。年限內不全完者。降職
一級。停其升轉。尋增為完日開復。欠一分。二分。年限內
不全完者。降三級調用。欠三分。四分。年限內不
全完者。降四級調用。欠五分。六分。年限內不全
完者。降五級調用。欠七分。以上。年限內不全完
者。革職。各省兼管鹽法之巡撫。限二年全完。如

欠不及一分。二年内不全完者。停其升轉。欠一分。二年内不全完者。降職一級。欠三分。四年内不全完者。降職二級。欠五分。六年内不全完者。降職三級。欠七分。八年内不全完者。降職四級。欠九分。十分。二年内不全完者。降職五級。皆令戴罪督催。完日開復。○十二年題准。銷引欠一分者。停其升轉。欠二分者。降俸一級。欠三分者。降俸二級。欠四分者。降職一級。欠五分者。降職二級。欠六分者。降職三級。欠七分者。降職四級。皆令戴罪督銷。

再改為欠五分者降

二級調用。欠六分者降三級調用。欠七分者降四級調用。不准抵銷開復任內有軍功錢糧加級紀錄者。欠八分以上者革職。其戴罪督銷者。准其議抵。

限一年銷完。如年限內不完。照徐准等倉錢糧

年限內未完例處分。如行鹽地方各官。有私派

戶口勒買銷引者。州縣官革職。未經察報之司

道府等官。各降三級調用。尋改為府州降三級調用。司道降二級調用。

用。巡鹽御史。尋改為鹽政。暨兼理鹽法巡撫。不行查

叅者。將御史。尋改為鹽政。降一級調用。巡撫降一級

留任。○又題准。鹽引不行題明。私自挪撥者。該

管官降一級調用。巡鹽御史。尋改為鹽政。降一級留

任兼管巡撫罰俸一年。其前官已完銷引不行

送部者。及題報鹽引遲延者。或申報鹽引前後

矛盾者。將該管官罰俸一年。巡鹽御史。再改為督催轉

報之鹽政運使鹽運暨兼管巡撫。各罰俸六月。○雍正七

年覆准。兩浙各場鹽課錢糧。令場官就近設櫃

徵收。原封解交各縣折兌。如係代徵之場官。其

初叅欠不及一分者。舊例罰俸六月。今免其議

處。欠一分者。舊例罰俸一年。今改罰俸三月。欠

二分者。舊例降職一級。今改罰俸六月。欠三分

者。舊例降職二級。今改罰俸九月。欠四分五分

者舊例降職三級四級。今改罰俸一年。均免其
停升督催。至欠六分以上者。舊例皆革職。今改
欠六分者降職一級。欠七分者降職二級。仍令
戴罪督催。欠八分以上者。即革職。嗣後代縣催
比之場官。原欠不及一分。年內不全完者。舊
例降一級留任。今改罰俸六月。原欠一分。年內
內不全完者。舊例降三級調用。今改罰俸一年。
原欠二分三分。年內不全完者。舊例降四級
五級調用。今皆改降一級留任。再限一年督催。
如再不完。照所降之級調用。原欠四分五分。年

限內不全完者舊例革職。今改降一級調用。原欠六分以上。年限內不全完者革職。如該場官催徵不力。許該縣提比經識。僕已徵錢糧。有挪移侵欺情弊。即行揭報。照挪移侵欺例。分別處分。若該縣平時不能稽查。致有虧空。別經發覺。將該縣照直隸州知州失察屬官虧空例議處。至有一場坐落兩縣者。其場官兩地未完分數。應合算併案處分。○又議准。各運使帶徵挖欠正雜鹽課。完至五萬兩以上者。紀錄一次。十萬以上者。紀錄二次。十五萬以上者。加一級。二十

萬以上者加一級紀錄一次。二十五萬以上者不論俸滿即升。○十一年議准。江南兩淮泰壩。令總督會同鹽政。於通省佐貳內。遴選委管。三年期滿。果能有益鹽務。出具考語。題請升用。○乾隆六年奏准。各省經徵鹽課。督銷鹽引。催徵各官。能於奏銷前催徵全完。或前官並未徵解。接任官於奏銷前催徵全完。總以一官全完一年課引者。無論正畧。均照地丁錢糧全完例議敘。其兩浙代徵場官處分。本屬減輕。全完五萬兩以上者。准其紀錄一次。五萬兩以下。奏銷前

全數通完者統計兩年合算將兩年應徵之數

徵收全完亦准其紀錄一次通融銷售地方不

准議敘正課雖完

再增耗羨未完

並本年帶銷之項未

完者亦不准議敘令該督撫鹽政於題銷疏內

分析聲明以憑查覈如有未完捏報全完者照

地丁錢糧捏報全完例議處○十年議准兩淮

試用官員委管泰壩鹽務三年期滿咨請議敘

者於得官日加一級○十六年覆准滇省管井

提舉大使等官既專司督煎其行銷鹽責成各

屬與井官無涉嗣後鹽課奏銷管井等官督徵

職名免其開列。至兼管井務之知府同知知州知縣大使等官。有本任兼銷鹽者。仍照例開列。其井官如按年督煎足額。照課款全完五萬兩以下議敘之例紀錄一次。若鹽井被水以致墮誤。數至十萬斤以內者限二年趨補。五萬斤以內者限一年趨補。不及三萬斤者限半年趨補。逾限不完。將原煎之數計作十分。按未完分數查叅。照鹽課未完分數例議處。尋增為督催未完之鹽道亦照鹽課未完分數議處。若并非被災。偶因雨浸滷淡煎辦不敷。分別多寡。勒限趨補。如為數無多。限兩月之

內報完。其三萬斤以上至五萬斤者勒限半年。

五萬斤以上至十萬斤者勒限一年。尋增為數至二三十

萬斤者將該管井官罰俸一年。仍勒限一年。逾限不完者落井官賠

繳課款。竈戶追繳薪本。如課項延緩不繳。即行

指叅。照官員本身雜項錢糧不完例議處。至於

無故墮煎者。雖數止十萬斤以內。令該撫咨叅

到日。將該員照行鹽無術例罰俸一年。至二三

十萬斤以上。則廢弛鹽務。應即行題叅。照溺職

例革職。著賠銀兩追繳薪本。若隱匿墮煎。不按

月造報者。照規避例報叅。尋增為課薪等銀。俱著落該員追賠。

三十年奏准兩廣兼管鹽務之司道府州縣官
欠不及一分者罰俸一年。欠一分者降職一級。
欠二分者降職二級。欠三分四分者降職三級。
欠五分六分者降職四級。欠七分者降職五級。
以上俱令戴罪督催。完日開復。欠八
分以上者革職。專管鹽務運使提舉分司大使
等官。欠不及一分者降職一級。欠一分者降職
一級。罰俸一年。尋改為降職二級。欠二分者降職三級。
欠三分者降職四級。以上俱令戴罪督催。停其
升轉。完日開復。欠四分者降一級調用。欠五分

者降二級調用。欠六分以上者革職。其戴罪督催各官。如限滿不完。仍照原定鹽課限滿例議處。兼管鹽法之督撫。初參限滿。俱照原定鹽課例議處。署印官催徵督催。俱照正官例議處。署印不及一月者免議。其接徵接催官員。俱以到任之日起。限滿不完。照現在未完分數。以初參處分。○又奏准。長蘆州縣督銷鹽引。如實遇水旱災傷。鹽引不能銷售。經鄰邑代銷者。該督暨該鹽政。據實聲明。免其議處外。其並非災歉之歲。銷引不及分數。雖鹽已代銷。仍按其未完分

數查參照例議處。於次年詳加查覈。如能比上
年多銷一分。准將上年處分題請開復。其本年
查有未完分數。仍行照例查參。如不能多銷。或
更不及上年分數。除上年處分不准開復外。仍
按本年末完分數查參議處。統俟再次年比較
多少。分別查辦。至本地督銷額引業至八分以
上。其通融代銷。僅至一二分者。毋庸參處。○三
十七年奏准。此縣之引賣與別縣者。未經查報
之府廳官。罰俸一年。道員罰俸九月。布政使。按
察使。罰俸六月。今無舉司處分○四十年覆准。廣東。福

建場員收鹽每年按額分作十分。如額外收足一二分者。記功示獎。三分以上者。照一官全完一年課引例。紀錄一次。其協辦效力委員。能於額外收足三分以上者。准其遇缺題補。至額內少收各員。應責令知府確查。如係縱容私售。以致缺額。即不論分數。嚴參究審。或因本年積雨連陰。實較往歲為甚。則三分以下。姑准記過。至四分以上者。即行咨革。各場委員。今定為廣東各場委員。有經管應徵場課銀兩。俱令就近徵解。將經徵正委各員職名。一律造入奏銷冊內。分別議敘。

議處。○五十四年覆准江西南昌等十府淮鹽
未能暢銷。皆由私販未能淨盡。於建昌府屬之
新城。瀘溪及饒州府屬之浮梁。德興。安仁等五
縣。私販咽喉處所。選派文武員弁各一員。督率
兵丁巡役於水陸兩途。分頭巡緝。半年一次比
較。今改為一年考覈果能於半年之內。實力緝捕。獲私
較多。銷引溢額於足額之外。多銷引一分以上
者。紀錄一次。二分以上者。紀錄二次。三分以上
者。紀錄三次。四分以上者。加一級。五分以上者
加二級。遇有數多者。以次遞加。儻各該委員等

不實力查緝以致私販充斥銷引缺額其短銷不及一分者罰俸六月一分以上者罰俸一年

二分三分者降一級留任四分五分者降一級

調用六分以上者降二級調用七分者降三級

調用七分以上未及八分及八分以上者俱革

職○五十八年覆准兩淮缺額今增為兩淮湖廣江西墜銷鹽

引各員自一分至三分者俱照前銷引例議處四分以上者降二級調

用五分以上者降三級調用六分以上者降四

級調用今定為照前例分別議處七分以上者革職○五十

九年奏准各省鹽務項下如雲南盈積四川羨

截長蘆告領。山東公費。兩淮耗規。浙江引規。廣

東場羨。

廣西秤頭鹽羨。土司餘鹽價羨。併此。

各項銀兩。經徵各員。

有不按年徵完者。該督撫查參。照雜項錢糧未完例議處。○又奏准。閩省官運長樂等五幫。並暫歸官辦之龍巖等十五幫。州縣經手鹽課。凡遇新舊交代。照地丁錢糧例。定限兩月。交收清楚。其有應行展限者。亦悉照地丁錢糧限期一例辦理。造具冊結。由府道藩司。呈請咨部。備有虧缺短交。即據實揭報。參追。如有盤限已滿。冊結尚未造送。將遲延之州縣。督催之道府。分別

查叅

今增照地丁錢糧交代例查叅

○嘉慶四年奏准兩浙各

場契稅許村等十九場松江府屬袁浦等六場

如有逾限未完照雜項錢糧例議處

今限為每年五月由

運使歲數造報

○五年奏准滇省各井款內每年共應

借墊薪本等銀四十萬兩除原題官本六萬兩

外其借墊借發銀三十四萬兩應令該撫將本

年奏銷案內墊發銀兩數目即於次年奏銷時

催完入冊造報如有未完照雜項錢糧例議處

○八年覆准滇省各井鹽課除正額全完仍照

向例給予議敘外有能額外溢徵者再按溢額

銀數多寡。照地丁錢糧全完例。分別給予議敘。至短煎短銷。參欠未完之項。全在經徵及接徵之員。實力帶趨銷徵。凡初參限外。接徵之員。及經徵官復參限滿。降調抵銷。不致離任者。俱照雜項錢糧例。另起參限議處。三參限滿無完。即行分別著賠。如接徵之員。能於一年限內。趨補全完。而本任年額。並無短欠者。亦照地丁錢糧例。本任應敘之外。另予議敘。○九年奏准。兩淮各場產鹽額數。以十分計算。按年題報。如該場員等不能實力奉行。以致缺額不及一分者。罰

俸六月。一分以上者罰俸一年。二分三分者降一級留任。四分五分者降一級調用。六分以上者降二級調用。七分者降三級調用。七分以上者革職。如能於正額之外溢額一分以上者紀錄一次。二分以上者紀錄二次。三分以上者紀錄三次。四分以上者加一級。五分以上者加二級。遇有數多者以次遞加。○十九年奏准直省各州縣應解包課銀兩如有未完覈計分數照兼管鹽務之州縣未完分數例議處。○又覆准鹽道統計所屬作為十分。如鹽引缺銷照地方

官未完分數處分。二十年議准。閩省官辦鹽課年徵年額實欠實叅。如一年內有兩官交接者。以前官為經徵官。後官為經接徵官。各按在任月日覈計未完分數。造報題叅。照兼管鹽務之州縣初叅未完例。分別議處。若叅後一年限滿無完。將原叅之經徵官。經接徵官。無論在任卸事。總將的欠之員。據實開報。照鹽課復叅未完例。分別議處。其再接任之員。毋庸開報。又議准。閩省各場應徵坵折課費銀兩。有場縣各半分徵者。照勻徵額數。分別開報。有歸各該縣

廳丞經徵者。各歸各款。分別開報。其已改隸鹽大使專管者。均責成各該場員。依限徵解。如有未完。覈計分數。將該場員職名開參。照專管鹽務之大使等官鹽課未完例。分別議處。至官辦鹽務。各幫之長價等項雜款銀兩。奏銷時如有未完。即將經徵官照雜項錢糧未完例。議處。積欠銀兩。酌量欠數多寡。分限勒催。如有未完。即將應完之員。比照現任官員應完代賠銀兩例。分別議處。○道光二十六年題准。山東省官辦鹽務州縣。凡遇交代。照地丁錢糧例。依限交代。

清楚。僅有遲延。分別初叅。二叅。正展各限。悉照地丁錢糧交代例查叅。○又議准。鹽政合計所屬。初叅。不及一分者。停其升轉。罰俸三月。欠一分者。罰俸一年。欠二分者。降俸二級。欠三分者。降職一級。欠四分者。降職二級。欠五分者。降職三級。欠六分者。降職四級。俱令戴罪督催。完日開復。欠七分以上者。革職。○又議准。鹽場大使。被叅後。限一年全完。如限滿不完。不復作分數。仍照原叅分數題叅。照州縣官地丁錢糧例。原欠不及一分。年限內不全完者。降一級留任。

再限一年催徵。如又不能完。照所降之級調用。原欠一分年限內不全完者。降三級調用。若年限內果能上緊催徵。止一二釐未完者。議以降三級留任。再限一年催徵。如又不能完。照所降之級調用。原欠二分年限內不全完者。降四級調用。原欠三分年限內不全完者。降五級調用。原欠四分以上。年限內不全完者。革職。分司被參後。限年半全完。如限滿不完。照場大使例。議處。鹽運使提舉司。被參後。限年半全完。原欠不及一分年限內不全完者。降一級。戴罪督催。再

限內不全完者降二級戴罪督催三限內仍不全完降三級調用。原欠一分至四分以上。年限內不全完者俱照大使例處分。鹽政被叅後限二年全完。如限滿不完。原欠不及一分者罰俸一年。一分以上者降俸二級。二分以上者降職一級留任。三分以上者降職二級留任。完日開復。原欠四分以上者降三級調用。五分以上者降四級調用。六分以上者降五級調用。七分以上者革職。○又議准督銷鹽引未完被叅之後。嗣經奏准停運銑銷。原叅官已無承銷之責。應

照錢糧續奉蠲緩之例。將原參處分。一律改議
完結。

查禁私鹽。○康熙十五年題准。官員該管界內。
有本官衙役私行煎販。或私賣者。本官不能覺
察。別經發覺者。革職。其軍民人等。在伊界內私
行煎鹽。或私賣者。不能覺察。別經發覺。降三級
調用。兼轄官降一級。罰俸一年。如該管官自行
拏獲者。免議。○又題准。凡旗人兵民。聚衆十人
以上。帶有軍器。興販私鹽。失於覺察者。將失事
地方專管官革職。兼轄官降二級。皆留任。限一

年緝拏獲一半以上者復還官級若不獲者照此例革職降級該督撫巡鹽御史如有失察官員徇庇不行題參照徇庇例議處專管官一年內拏獲十人以上帶有軍器大夥私販一次者紀錄一次二次者紀錄二次三次者加一級四次者加二級五次者不論俸即升兼轄官一年內拏獲三次者紀錄一次六次者紀錄二次九次者加一級拏獲次數多者均照次數紀錄加級尋改為拏獲十二次者加一級紀錄一次再有多獲每三次照此遞加○三十年覆准十人以上帶有軍器興販私鹽失察各

官。係本處拏獲一半者。免其處分外。其本處雖未拏獲。被別處全獲者。亦免其處分。若別處雖拏獲少一二人者。仍照例分別革職降級留任。緝拏處分。至限年緝拏之後。計未獲人數。拏獲一半以上者。將拏獲各官。原叅降級革職留任之案。准其開復。未經拏獲各官。仍照二叅例處分。已經全獲者。不論何處拏獲。將原叅各官降革留任之案。一例開復。○三十九年議准。私梟黨衆官兵不能拏獲。或止獲一二名。及兵丁被殺傷者。專管官兼轄官皆免其處分。限一年緝

拏如不獲仍照舊例處分。照失察大夥私鹽例處分。○又議

准大夥興販聚眾拒捕及執持器械殺傷巡拏

人等脫逃之梟徒照緝拏強盜例勒限嚴緝務

獲按律擬罪。倘有不行擒拏故為疏縱情弊將

該地方專管官革職兼轄官降二級調用。如上

司容隱不叅將上司照徇庇例議處。○四十四

年題准小夥興販私鹽該管吏目典史知州知

縣等官失察一次者降職二級失察二次者降

職四級皆留任戴罪緝拏一年限滿無獲罰俸

一年各帶原降之級緝拏如又年限已滿不獲

仍罰俸一年。各帶所降之級。緝拏。拏獲私鹽之
日。皆准其開復。失察三次者革職。道府直隸州
知州等官。失察一次者降職一級。失察二次者
降職二級。失察三次者降職三級。皆留任。戴罪
緝拏。一年限滿無獲。罰俸六月。各帶原降之級
緝拏。如又年限已滿不獲。仍罰俸六月。各帶所
降之級。緝拏。拏獲私鹽之日。皆准其開復。失察
四次者降三級調用。至上司因屬官失察。帶所
降之級。緝拏。自行拏獲者。固應開復。若原參案
內。所轄屬官降級之案。因拏獲私鹽開復。其本

案之上司亦准其開復。○又議准小夥鹽徒拒捕殺傷兵丁不能擒獲者仍照例處分。照失察小夥私鹽例分別議處。全獲者免議。拏獲一半者。專兼統轄官免其處分。餘賊限一年緝拏。如一年內不獲。將專管官罰俸一年。兼轄官罰俸六月。統轄官罰俸三月。餘賊照案緝拏。○五十六年題准地方各官失察外省棍徒來境私販。仍照定例按次處分。有能拏獲私販千斤以上者。將該管官覈實題請紀錄。如有不肖官員貪圖紀錄。將貧難軍民肩挑背負易米度日之人。

及外省來貿易之平民。濫作私販查拏。私用非
刑害人致死者。將該員照誣良為盜例革職。如
未經致死者。將該員降一級調用。○雍正二年
議准。販私鹽梟。由他處入境。巡役緝拏。拒捕殺
傷。或當場人鹽並獲。或於疏防限內拏獲過半
以上者。將事由據實呈報咨部。免其疏防處分。
餘犯照案緝拏。其有大夥興販。隱諱不報。及人
鹽並獲。輕為開脫者。將專管官革職。兼轄官降
二級調用。尋增為上司衙底
不參降三級調用不知情者。各照失
察私鹽例處分。○六年議准。鎮江插口盤查私

鹽責成江常鎮道督同鎮江府及海防同知就近分班輪流盤驗。無論糧艘兵船大小差船均令親身查驗。如有夾帶整包私鹽即行拏究。照興販律治罪。其一切水陸私販並嚴飭該管官分頭緝拏。如有疏縱失察照例叅究。仍嚴禁官役毋得借拏私鹽名色故意抑勒商民需索進牘使費。儻該道員不能實力整頓或有夾私而不能緝拏或有勒索而不能懲禁該督即行指叅失察私鹽照失察例處分。不能懲禁勒索照失察衙役犯贓例處分。不能察禁屬官照約束

不嚴例處分。○乾隆元年覆准。姦徒搶奪鹽店。及開闢場竈等事。地方文武官弁。即行拏獲。究出主使同夥。如獲犯過半。並獲首犯者。仍參疏防。照依盜案之例。免其處分。如獲犯不及一半。或不獲首犯者。照依盜案例參處。限年緝拏。限滿不獲。亦照盜案例處分。如平時漫無約束。臨事不即擒拏。有意姑息。致長刁風者。即將該管官弁題參。照溺職例革職。各犯交與接任官。照案緝拏。該管巡道府廳直隸州知州等。不行揭報。一併查參。

專增為照給照版私上司例處分

如地方官弁整

飭有方鹽引疏銷私販敘迹一年之內並無應

參之案者紀錄一次今增為二年無應參之案准其紀錄二次三年

之內整飭有方鹽引疏銷私販敘迹並無應參

之案准其加一級若有司希圖議敘隱匿不報

或將大夥之案捏作偶然湊合巧為開脫者照

失出例處分○七年奏准衙役私行煎販該管

官自行拏獲者免議或自行查出未經拏獲詳

報通緝者皆照例革職降級留任限一年緝拏

逾限不獲即行革職其兼轄之上司免議如旗

人私鹽事發其主係官罰俸兩月如本官自行

擊獲者免議。至官員行鹽無術，以致商販不前，或不遵行食鹽舊例，藉端不行鹽者，皆罰俸一年。若苦累需索，以致商販不前者，降一級調用。

○二十四年覆准江蘇泰州屬各場海灘蕩地，原為蓄草煎鹽，無論隄內隄外，概禁開墾。飭令場員查丈，造具業戶花名項畝，四至清冊，送部備查。並挑挖深溝，築立圩岸，立石分界。場員不時履勘，具結通報。如查有續墾地畝，將該地戶按律究治。該分司場員自行查出者免議。失察之該場員，計畝處分一畝以上，記大過一次。五

畝以上。罰俸一年。十畝以上。降一級留任。明知故縱。照溺職例革職。審有賄縱計贓治罪。分司不行揭報計案處分。每一案記過一次。三案以上。罰俸一年。十案以上。降一級留任。故縱者亦照溺職例革職。○二十八年覆准收買私鹽船載車裝馬馱絡繹。應照無引私鹽律治罪。不得藉口買自店家本屬官鹽。曲為開脫。地方官拏獲私鹽。如作官鹽杖責完案。照故出人罪律參處。○三十年奏准運使運同運判鹽場大使係專管鹽務之員。如竈丁販賣私鹽。大使失於覺

察者革職知情者革職交部治罪運同運判失
察一次者降職二級失察二次者降職四級俱
留任戴罪緝拏一年限滿無獲將運同運判等
官罰俸一年各帶原降之級緝拏如又年限已
滿不獲運同運判仍罰俸一年各帶所降之級
緝拏

尋增為拏獲之日准其開復或拏獲別案
私鹽亦准其抵銷開復無獲按限開復

失察三次者革職運使失察一次者降職一級
失察二次者降職二級失察三次者降職三級
俱留任戴罪緝拏一年限滿無獲罰俸六月帶
原降之級緝拏如又年限已滿不獲仍罰俸六

月帶所降之級緝拏

尋增為拏獲之日准其開復或拏獲別案私鹽亦准

其抵銷開復無獲按限開復

失察四次者降三級調用○又

奏准鹽船失風失火責成州縣官會同營員查勘確實限一月內出結通詳鹽道於詳到日起限半月內覈轉以憑飭商補運限三箇月過所運岸仍令沿途督撫及該管鹽道知府直隸州隨時查察如實係失風失火而有勒索捺攔及受賄扶同捏報情弊即將該員指名題參治罪如將淹消火燬之案勘訊不實即行揭報後經發覺者將揭報不實之員照不行查明給結例

罰俸一年。○又奏准湖北之宜昌及湖南之衡州等處鄰省最易透漏私鹽。令湖廣總督在湖南湖北兩省內各揀選勤幹府佐一員。擇適中緊要地方。令帶領本衙門原設人役。駐紮稽察。督率巡查。一應緝私事宜。率同巡商悉心辦理。如督緝有方。著有成效。三年後將該員題請從優議敘。尋改為照江西緝私委員之例議敘並飭鹽道不時查察。如該員巡查不力。徇私廢公。或藉端需索。或擾累巡商。即據實揭參。尋增為照鎮江鹽道盤驗之例議處儻該道徇隱不揭。經督撫鹽政查出糾參。即將該道一

併參處。

今增為降三級調用。

○又奏准官員不能拏獲私

煎反給印照私販者革職提問。上司知情故縱者亦革職。一併審究。失察者降一級留任。再罰俸一年。○又奏准廣東東莞新會等十三埠從前各商設立坐標私收漁戶幫餉。又於各墟場鎮市設立館舍。凡遇鹽魚鹽菜等物。勒令納稅。別立行標。苦累貧民。甚至勾引梟販。給標照運。衝賺他縣引餉。均嚴行禁革。如仍有犯者。照例治罪。該管各官。不覺察詳報。照失察私鹽例議處。知情故縱者。與該犯一律治罪。受財者計贓。

以枉法治罪。有能拏獲姦商乾標私抽實據。首
報到官者。量行給賞示獎。僮承審官徇情故縱。
照徇庇例參處。○又奏准。已撫鹽梟復行販私。
審實者。將本犯解部發遣。其出結之地方專汛
兼轄及該管各官。俱照失察卦子例議處。尋改
為照
失察撫絃人丁為
盜例。降一級調用。○又奏准。兩淮鹽斤俱係淋
酒煎熬。全資蕩草。各場如有地棍姦竈。將蕩草
私販出售漁利。致誤攤煎者。將不行查禁之場
員。照管理礦廠官員有銅鐵私運出廠不行查
出例。罰俸一年。分司州縣。照不嚴行查拏例。罰

俸三月。○又奏准地方官拏獲私販務將人鹽實數詳報。私鹽例應入官。不得一毫隱諱。如將所獲私鹽侵蝕分肥。並大夥拒捕之案。從中漁利。將人鹽數目。以多報少者。該管官弁。題參革職。計贓照枉法律治罪。其未侵匿者。照徇隱例議處。上司知情故縱者。照徇庇劣員例議處。雖不知情而未揭參者。照不揭參劣員例議處。○
三十七年奉

旨。地方私鹽承緝不嚴。官引必致壅滯。在江省各屬文武員弁。以所行乃浙省鹽斤。未免意存歧視。雖有緝

私之名不肯實力從事。而浙江鹽政又以緝私官弁
兵役皆隔省所轄。呼應不靈。松所鹽務之疲。率由於
此。從前李衛以浙江總督兼令節制江南捕盜諸事。
是以緝私盡力。鹽法暢銷。然亦間有過當之處。其後
歷任巡撫兼管鹽政。未嘗無考覈緝私之責。而令不
能行之江省。地方官往往陽奉陰違。因循已非一日。
不知行鹽已在隔境。而銷引同屬辦公。司鹺者固不
便因鹽務所在之區。越俎干預他事。其有關鹽政者
原可隨時覈計。如果江省地方官視緝私為具文。不
知留心整頓。以致梟徒充斥。膜視誤公。即當指叅一

二。予以應得處分。各員弁等。自不敢仍前玩忽干咎。若僅如戶部所議。專責江省大吏督查。恐日久尚成故套。於浙鹽仍無裨益。嗣後松所緝私之事。除交江省督撫董飭各該地方文武盡力嚴拏外。僅有稍分畛域。不肯實心緝私者。並准浙江巡撫覈實參奏。照例議處。該上司等亦難辭督率不嚴之咎。如此則江省有司。既無敢膜視卸肩。而松所商人亦無由推託藉口。方為兩得。○又覆准滇省各鹽井鹽斤。如有竈丁攙和沙土。照例治罪。管井之提舉大使等官。係縱容者。照將沙土攙和漕糧押運官不行查

禁例革職止於失察者。照失於覺察例降一級。

調用。其兼管井務之府州縣等官。縱容失察亦

照此分別議處。係知情受賄。應照枉法贓從重

治罪。尋改為革職治罪。其攬和鹽斤。在井查出。勒令竈

戶照數改煎。發運出井。著落井官名下煎賠。如

承銷州縣。明知徇隱一體著賠。仍照徇隱例革

職。尋定為通例。不專指滇省。○四十三年覆准。拏獲私鹽承

審各官。務先究明買自何人何地。係何場竈透

漏。有無窩頓之家。運往何處囤賣。並買鹽月日。

鹽斤數目。提集犯證。並密提竈戶煎鹽火伏簿。

扇。審無証攀確據。按照律例治罪。該管地方官並場員。分別何員失察。將何員議處。不得聽該犯指供含糊叅處。儘承審各官。不將証攀情由審出。即照不能審出盜賊証攀良民例。分別議處。如任犯狡供。仍以買自不知姓名。率混具詳。不能究出私鹽來歷。及運往何處。因賣實情者。革職。或聽其指供含糊請叅。草率完結者。照不取緊要口供例。分別議處。○四十五年奏准。販私鹽梟。由他處入境。人鹽並獲。或拏獲過半者。免其處分。餘犯照案緝拏。其有經由地方。並無

販賣情事。經別處發覺者。係大夥將地方專管

官罰俸一年。小夥罰俸六月。○五十二年覆准。

湖北宜昌府屬之歸州。巴東。興山。長陽。四州縣。

例准買食川鹽。每人不得過十斤以上。如有彙

總承買。並藉端轉相貨賣。及他州縣民人。影射

越買者。俱照興販例從重治罪。失察之地方官。

照失察興販私鹽例議處。仍於東湖縣屬之平

善壩。南津關等處。設卡巡查。派委員弁。嚴行偵

緝。尋改令宜昌府通判督率偵緝。如有失察。亦照地方官失察私鹽例議處。地方官

有餽送委員銀兩者。嚴參從重治罪。尋改為革職治罪。

失察之該管上司。一併查明。送部議處。

尋增為照失察

屬員與上司子姪交結例議處。

○嘉慶五年奏准。小夥私鹽出

境及鄰邑私鹽入境販賣。不能擒獲。州縣吏目

典史等官。照竊案滿貫例查參。若拒捕殺傷人

者。按次數查參。

同日出境。同日入境。為一次。

失察一次者降

職二級。失察二次者降職四級。俱留任。戴罪勒

限一年緝禁。限滿不獲。罰俸一年。各帶原降之

級緝禁。如又年限已滿不獲。仍罰俸一年。各帶

所降之級緝禁。拿獲之日。准其開復。或拿獲別

案私鹽。亦准其抵銷開復。無獲。按限開復。失察

三次者革職。道府直隸州知州等官。失察一次者降職一級。失察二次者降職二級。失察三次者降職三級。俱留任。戴罪緝拏。限滿不獲。罰俸六月。各帶所降之級。緝拏如又年限已滿。仍罰俸六月。帶所降之級。緝拏。拏獲之日。准其開復。或拏獲別案私鹽。亦准其抵銷開復。無獲按限開復。失察四次者降三級調用。道府就一屬。計次數不通屬註。○又奏准。梟徒販私聚眾十人以上。帶有軍器。拒捕殺傷人者。州縣印捕官降二級留任。道員府州。罰俸一年。俱限一年緝拏。限滿不獲。專

管官照所降之級調用。兼轄官降一級留任。至失察大夥私販拒捕。限內拏獲及半者。專管官罰俸一年。兼轄官罰俸六月。餘犯再限一年緝拏。限滿不獲。專管官降一級留任。按限開復。兼轄官罰俸一年。餘犯俱照案緝拏。鄰境全行拏獲者。照例減等議結。鄰境拏獲未全者。仍照例處分。○九年奏准。鹽場大使失察竈丁透私。如能立時自行拏獲者。免議。或自行查出。未經拏獲。詳報通緝者。革職留任。限一年緝拏。限內全獲。並拏獲過半。兼獲首犯者。准其開復。逾限不

獲仍革職。如犯被鄰境拏獲。將革職留任之案。按年開復。此等自行查出詳報通緝者。兼轄之上司。俱准免議。若並非自行查出詳報通緝者。鹽場大使。仍照例革職。毋庸限緝兼轄之運同。運判。運使等官。仍按其次數照例覈辦。至鹽場各官。果能留心巡緝。拏獲鄰境別場販私。即照地方官拏獲鄰境私鹽之例。按其次數分別議敘。○又議定。地方有姦徒搶奪鹽店。及闕鬧場窳等事。文武官弁。即行拏獲。究出主使同夥。如獲犯過半。並獲首犯者。免其處分。如不能獲犯。

與獲犯不及一半者。照盜案例題參議處。限年緝拏。限滿不獲。亦照盜案例處分。如獲犯過半。未獲首犯者。照務獲盜首例。參處限緝。如平時漫無約束。臨時不即擒拏。有意姑息。致長刁風者。將該管官弁革職。各犯交與接任官照案緝拏。該巡道府廳直隸州等。不行揭報。一併查參。照給照販私上司例處分。○道光二十九年奏准。姦商捏報淹消。蒙領護照。及部引未領。先請給發配運到岸。地方官扶同捏報者。革職拏問。該運司並不查明。遽行發給護照者。照徇庇例。

降三級調用。儻地方官止係失於覺察致被蒙混轉詳者。降三級調用。未經查出給發護照之運司。降一級調用。○又奏准長蘆委員於漕船回空。如有漏私數在一百包以上者。罰俸一年。一千包以上者。罰俸二年。一萬包以上者。降一級留任。十萬包以上者。降一級調用。儻能認真查緝。並無漏私。給予加一級。○又奏准山東省北陸路各州縣。與直隸毗連。受蘆私侵占。南運商邱等州縣。與淮北接壤。時虞侵灌。其票地之蘭山等州縣。與海賴接壤。淮私侵占。直灌嶧滕。

應令該地方官督同商巡實力堵緝。如有吏役得規包庇明知故縱者革職止係失於覺察犯該杖徒者降一級留任。犯該軍流者降一級調用。犯該斬絞者降二級調用。○同治十二年奏准。凡軍民人等私行煎販該管地方官失於覺察者革職兼轄官降三級調用。自行訪拏究辦者免議。若雖經查出詳報通緝而未能獲犯將該管官降四級留任。限一年緝拏。限滿不獲照所降之級調用。兼轄官查出者免議。未經查出降三級留任。衙役私行煎販本管官失於覺察

者革職。兼轄官降三級調用。自行訪拏究辦者免議。若雖經查出。詳報通緝。而未能獲犯。將本管官革職留任。限一年緝拏。逾限不獲。即行革任。兼轄官查出者免議。未經查出。降三級留任。○又奏准。專管地方之印捕官。一年內能拏獲小夥私鹽一起者。紀錄一次。二起者。紀錄二次。三起者。紀錄三次。四起者。加一級。每案二起。照此遞加。兼轄之道員府州。一年內統計所屬。拏獲小夥私鹽三起者。紀錄一次。六起者。加一級。每案五起。照此遞加。專管官。一年內能拏獲大

夥私鹽一起者加一級。二起者加二級。三起者
不論俸滿即升。兼轄官一年內統計所屬。拏獲
大夥私鹽一起者紀錄二次。二起者加一級。三
起者加二級。每案一起照此遞加。○又奏准。凡
地方官拏獲鄰境鹽梟拒捕戕斃官弁以及捕
役兵丁之案。准該督撫奏請送部引

見其並無戕斃官弁兵捕情節者。仍照拏獲小夥大
夥議敘本例辦理。○又奏准。本地私鹽興販出
境及鄰邑私鹽入境販賣。該管之州縣吏目典
史等官。不能擒獲。扣限六箇月查參。係小夥私

鹽不及十人為小夥將該管官罰俸二年再限一年緝

拏限滿不獲降一級留任鹽犯照案緝拏係大

夥私鹽十人以上及帶有軍器者為大夥將該管官降一級留

任再限一年緝拏限滿不獲照所降之級調用

○又奏准私鹽出境過境入境經武職汛員及

交界處所之州縣能將人鹽並獲者概免本境

官失察處分如本境印捕官僅獲鹽斤而人犯

未獲僅獲人犯而鹽斤未獲者將失察處分減

等議結應降一級調用者減為降一級留任應降一級留任及罰俸二年者均減為罰

俸一年應罰俸六月者減為三月○又奏准小夥

月應罰俸六月者減為三月

私鹽拒捕傷人之案。州縣官失察一次者降一級留任。二次者降二級留任。俱戴罪勒限一年。緝禁限滿不獲。革職留任。拏獲及半。准其開復。或拏獲別案私鹽。亦准其抵銷。無獲按限開復。失察三次者降四級調用。道員知府直隸州知州等官。毋庸以通屬州縣併計。失察二次者降一級留任。三次者降二級留任。俱戴罪限一年。督緝限滿不獲。革職留任。拏獲及半。准其開復。或拏獲別案私鹽。亦准其抵銷。無獲按限開復。失察四次者降三級調用。至大夥私鹽。聚衆十

人以上。拒捕傷人者。州縣印捕官降二級留任。道員府州等官降一級留任。俱限一年緝拏。限滿不獲。專管官照所降之級調用。兼轄官降二級留任。○又議准私梟拒捕之案。無論大夥小夥。地方官於限內拏獲及半者免議。文職拏獲武職。准其免議。武職拏獲文職。亦准其免議。交界之所。此州縣獲犯。即免。彼州縣處分。彼州縣獲犯。即免。此州縣處分。指出境過境入境。彼此地界交接者而言。若犯由別處拏獲。即照例減等議結。非私梟出入經由之州縣為別處例。凡屬員應減免處分者。兼轄之上司裁公式門。

亦一體減免。○又議准私梟在過境入境時拒捕。其失察出境之員。仍照販私出境例議處。在入境時拒捕。其失察過境之員。照販私過境例議處。至私梟拒捕。州縣官諱匿不報。或將數起報作一起者。俱革職。兼轄之府州。降二級調用。道員。降一級調用。如上司徇庇不叅。降三級調用。

修築鹽池。○康熙二十八年題准河東鹽池修築。築牆渠堰。以防水患。務期修築堅固。如有鹽池牆堰不固倒決者。該州縣官降一級戴罪督

修工完之日該御史

尋改為
鹽政

題請開復○雍正

六年奏准鹽池渠牆隄堰歲修大修工程責令

運同管理仍於附近州縣內擇其才幹誠實者

遇修築之時委用五六人協助堅修令運同督

責其成如有玩誤浮冒者將該管協助各官降

一級戴罪督修工完之日鹽政題請開復

查禁私茶○雍正四年覆准茶商買茶應令產

茶地方官給發船票開明該商引目茶數不得

別給印票收茶其應行盤查之地方官悉照引

目及正附茶驗放不許抑勒留難如於部引之

外。有搭行印票。暨附茶不依所定斤數。多帶私
茶者。即行查拏。照私鹽律治罪。如查驗地方官
故縱失察者。照失察私鹽例處分。○又議准。興
販私茶。潛往邊境與外國交易。及在腹裏販賣
與外國人。暨在西甯。甘肅。河州。洮州。四川。雅州。
販賣者。皆按律治罪。其官員縱容子弟家人等
興販。知情故縱者。降一級調用。失於覺察者。降
一級留任。不係專司查緝官員。失察子弟家人
興販。並無知情故縱情節者。免議。○乾隆八年。
議准。商人運茶。例應領給引目。所以分別官私。

以憑稽查。無官引即屬私茶。嗣後凡有商販到境。務須嚴行稽查。如無官引及茶引相離者。即行究問。照私鹽律治罪。○道光元年

諭。孫玉庭等奏查議海關茶船出口情形。請仍照例納稅放行一摺。江省江海關向准茶葉出口。運往北省銷售。嗣因防其載往閩廣。禁止販運。上年經該撫奏請弛禁。而給事中孫世昌又以事多流弊。請仍飭禁。茲據該督等詳查江海關出口茶船。與閩廣浙省之船。可以利涉深洋者不同。舵水人等又不能諳習南洋沙綫。勢難偷越。自係實在情形。著照舊例。凡北赴

山東天津奉天等處茶船。仍准其納稅放行。其向由
內河行走輸稅者。照舊禁止出洋。不容紊越。該督等
飭知管關道員認真稽察。凡遇商販出口船隻。查明
給予關牌稅單。行知所往口岸。覈實查驗。如有攜帶
違禁貨物偷漏出洋之事。即行截拏治罪。若守口員
弁。私行縱放。一併嚴參懲辦。毋得視為具文。○光緒
三年奏准。私販黃茶。潛入青海地面售賣。該管
之州縣吏目典史等官。不能擒獲。扣限六箇月
查參。條不及十人。小夥私茶。將該管官罰俸二
年。再限一年緝拏。限滿不獲。降一級留任。茶犯

照案緝拏。係十人以上。帶有軍器。大夥私茶。將該管官降一級留任。再限一年緝拏。限滿不獲。照所降之級調用。如有吏役得規包庇。明知故縱者。革職。止係失於覺察。犯該杖徒者。降一級留任。犯該軍流者。降一級調用。犯該斬絞者。降二級調用。

失察私鹽私茶。因公出境。免議。○乾隆二年。覆准私茶私鹽經過境內。如有實係因公出境之員。即於覈叅案內。據實確覈。將專管兼轄各官。聲明到部。准其免議。如並非因公出境。濫行詳

請者降一級調用。該管上司並未確數代請免
議者罰俸一年。